

Na osnovu člana 14. Odluke o utvrđivanju uslova, kriterija, postupka i načina isplate za dodjelu stipendija posebno nadarenim redovnim učenicima osnovnih škola na području Tuzlanskog kantona u školskoj 2026/2027. godini, broj: 10/1-11-027867/26 od 23.09.2026.godine, Ministarstvo obrazovanja i nauke Tuzlanskog kantona, raspisuje

K O N K U R S

za dodjelu stipendija posebno nadarenim redovnim učenicima osnovnih škola na području Tuzlanskog kantona u školskoj 2026/2027. godini

I

Raspisuje se Konkurs za dodjelu stipendija posebno nadarenim redovnim učenicima osnovnih škola na području Tuzlanskog kantona u školskoj 2026/2027. godini i to za ukupno 100 stipendija, 80 stipendija za posebno nadarene redovne učenike osnovne škole te 20 stipendija za posebno nadarene redovne učenike osnovne škole koji pohađaju i paralelnu muzičku školu na području Tuzlanskog kantona u školskoj 2026/2027. godini.

II

Ukupna visina stipendije za školsku 2026/2027. godinu iznosi 1.000,00 KM (hiljadu konvertibilnih maraka), s tim da će se isplata stipendije vršiti u najviše četiri jednake mjesečne rate, a visina jedne rate iznosi najmanje 250,00 KM (dvijestotineipedeset konvertibilnih maraka).

III

Pravo na dodjelu stipendije ima kandidat pod uslovom:

- a) da je državljanin Bosne i Hercegovine,
- b) da je redovan učenik osnovne škole na području Tuzlanskog kantona u školskoj 2026/2027. godini, te i redovan učenik paralelne muzičke škole na području Tuzlanskog kantona u školskoj 2026/2027. godini, ukoliko se radi o kandidatu iz člana 2. stav (3) Odluke o utvrđivanju uslova, kriterija, postupka i načina isplate za dodjelu stipendija posebno nadarenim redovnim učenicima osnovnih škola na području Tuzlanskog kantona u školskoj 2026/2027. godini, broj: 10/1-11-027867/26 od 23.09.2026.godine (u daljem tekstu: Odluka),
- c) da je ostvario opći uspjeh sa prosječnom ocjenom najmanje 4,80 u prethodno završenom razredu, kao i da je ostvario opći uspjeh sa prosječnom ocjenom najmanje 4,50 u prethodno završenom razredu paralelne muzičke škole, ukoliko se radi o kandidatu iz člana 2. stav (3) Odluke,
- d) da ne koristi ili nije dobitnik neke druge stipendije čiji je izvor finansiranja Budžet Tuzlanskog kantona i
- e) da je ostvario rezultate po nekom od drugih kriterija iz člana 7. stav (1) tačke b) i c) odnosno stav (2) tačke c) i d) Odluke.

IV

(1) Pravo na dodjelu stipendije po ovom Konkursu imaju posebno nadareni redovni učenici osnovnih škola na području Tuzlanskog kantona i posebno nadareni redovni učenici osnovnih škola na području Tuzlanskog kantona koji pohađaju i paralelnu muzičku školu na području Tuzlanskog kantona.

(2) Rangiranje kandidata za dodjelu stipendije za posebno nadarene redovne učenike osnovne škole, koji ispunjavaju uslove iz tačke III, vrši se na osnovu sljedećih kriterija:

- a) opći uspjeh postignut u prethodnoj školskoj godini u smislu završenog razreda osnovne škole,
- b) uspjeh na takmičenjima iz oblasti predmeta iz nastavnog plana i programa u prethodnoj školskoj godini,
- c) uspjeh na takmičenjima iz drugih oblasti u smislu člana 12. stav (1) Odluke u prethodnoj školskoj godini.

(3) Rangiranje kandidata za dodjelu stipendije za posebno nadarene redovne učenike osnovne škole koji pohađaju i paralelnu muzičku školu, koji ispunjavaju uslove iz tačke III, vrši se na osnovu sljedećih kriterija:

- a) opći uspjeh postignut u prethodnoj školskoj godini u smislu završenog razreda osnovne škole,
- b) opći uspjeh ostvaren u prethodnoj školskoj godini u smislu završenog razreda paralelne muzičke škole,
- c) uspjeh na takmičenjima iz oblasti predmeta iz nastavnog plana i programa paralelne muzičke škole u prethodnoj školskoj godini,
- d) uspjeh na takmičenjima iz oblasti muzike u smislu člana 12. stav (2) Odluke u prethodnoj školskoj godini.

(4) Pravo na dodjelu stipendije po ovom Konkursu ne mogu ostvariti redovni učenici koji su ostavili rezultate samo po osnovu općeg uspjeha postignutog u prethodnoj školskoj godini bez ostvarenih rezultata po nekom od drugih kriterija.

V

Prijave na Konkurs sa potrebnom dokumentacijom podnose se Ministarstvu obrazovanja i nauke Tuzlanskog kantona (u daljem tekstu: Ministarstvo) u roku od 15 dana od dana objavljivanja Konkursa na internet stranici Ministarstva (www.montk.gov.ba).

VI

(1) Prijava na Konkurs se vrši putem prijavnog obrasca, koji se može preuzeti na internet stranici Ministarstva i u službenim prostorijama Ministarstva, i to na način da kandidat mora naznačiti za koju vrstu stipendije konkuriše, a ukoliko to propusti učiniti bit će svrstan u skupinu kandidata kojima se dodjeljuje stipendija iz člana 2. stav (2) Odluke te ukoliko prijava bude sadržavala dokumentaciju kojom se dokazuje ispunjavanje uslova za dodjelu stipendije iz člana 2. stav (3) Odluke ista neće biti uzeta u razmatranje.

(2) Kandidat ili roditelj/staratelj je uz popunjen prijavni obrazac obavezan dostaviti i:

- a) uvjerenje o statusu redovnog učenika osnovne škole u školskoj 2026/2027. godini (original ili ovjerena kopija),
- b) uvjerenje o statusu redovnog učenika paralelne muzičke škole u školskoj 2026/2027. godini (original ili ovjerena kopija), za kandidate iz člana 2. stav (3) Odluke,
- c) uvjerenje o državljanstvu (original ili ovjerena kopija),
- d) svjedočanstvo o prethodno završenom razredu osnovne škole (ovjerena kopija) i svjedočanstvo o prethodno završenom razredu paralelne muzičke škole za kandidate iz člana 2. stav (3) Odluke (ovjerena kopija) ili uvezana ovjerena kopija stranica đачke knjižice na kojima se nalaze opći podaci o kandidatu i podaci o uspjehu postignutom u prethodnoj školskoj godini,
- e) ovjerena izjava roditelja/staratelja kandidata da kandidat ne koristi ili nije dobitnik neke druge stipendije gdje je izvor finansija za stipendiju Budžet Tuzlanskog kantona.

(3) Kandidat ili roditelj/staratelj je uz popunjen prijavni obrazac i obaveznu dokumentaciju dužan dostaviti posebnu dokumentaciju kojom dokazuje uspjehe i rezultate iz određene oblasti za koju je posebno nadaren (uvjerenja, potvrde, certifikate izdate od strane organizatora takmičenja, s tim da učenici koji su rezultate ostvarili kao dio školske ekipe trebaju dostaviti i potvrdu škole da su bili članovi ekipe koja je ostvarila određeni rezultat) kako je navedeno u članu 7. Odluke.

(4) Sva dokumentacija koja se dostavlja uz prijavni obrazac mora biti u originalu ili ovjerenoj fotokopiji, te na jednom od jezika u službenoj upotrebi u Bosni i Hercegovini (uz dokument izdat na stranom jeziku potrebno je dostaviti i originalni prijevod sudskog tumača ili ovjerenu kopiju prijevoda).

VII

(1) Na osnovu konačne rang liste sa kandidatom, odnosno roditeljem/starateljem kandidata, zaključuje se ugovor o stipendiranju, kojim se bliže uređuju međusobna prava i obaveze.

(2) Ugovor o stipendiranju zaključuje se u roku od 10 dana od dana isticanja konačne rang liste na internet stranici Ministarstva, a ukoliko u tom roku kandidat odnosno roditelj/staratelj ne potpiše ugovor bez opravdanja svog odsustva u pismenoj formi, kandidat gubi pravo na dodjelu stipendije, a stipendija se dodjeljuje prvom sljedećem kandidatu sa rang liste kandidata koji nije ostvario pravo na dodjelu stipendije.

VIII

(1) Konkurs ostaje otvoren 15 dana od dana objavljivanja na internet stranici Ministarstva.

(2) Prijave na Konkurs sa potrebnom dokumentacijom šalju se putem pošte preporučeno ili lično na adresu Centralne pisarnice kantonalnih organa uprave - ulica Fra Grge Martića broj 8, 75000 Tuzla, sa naznakom „Prijava na Konkurs za dodjelu stipendija za posebno nadarene učenike osnovnih škola na području Tuzlanskog kantona“.

(3) Nepotpune i neblagovremene prijave neće se uzeti u razmatranje.

**Ministarstvo obrazovanja i nauke
Tuzlanskog kantona**